

Kakien ko ñan kejbarok: Jikin jermal eo an kakien ko rej kejbarok maron ko an armij emaron ke jibañ kejbarok na?

-
- ❖ Riiti mennin *wōt* ñe kwōj jokwe ilo ak ilo raan ko rej kab jemlok kwar ioon jorrān ko rej walok iloan baamle, im ewōr kabnōnō, ak abād eok ilo State eo an Washington.
 - ❖ **Ñe ilo tōrre in kwōj ioon** jorrān ko rej walok iloan baamle, im ewōr rar kabnōnō, kakkure ko rej mantin lōñ, ak abād, ebōk jibañ jen jikin kiki eo ilo jukjuginbed ñan ro rej ioon jorrān ko rej walok iloan baamle. Jikin kiki ko rej lewaj jibañ ko ikijen bebe kin kejbarok, jikin kiki ilo jidik ien, rōjañ ikijen kakien, koonjel, im jibañ ko jet. Ñan bukōt burokraam eo ebaaktata ñan kwe, kall ae lok [Lain in Jibañ eo an Aoleben Aelon eo ikijen Jorrān ko rej Walok Iloan Baamle \(National Domestic Violence Hotline\)](#) ilo 800-799-7233 ak jilkinlok juon text “START” ñan 88788.
 - ❖ Kwōmaron loe aoleb peba ko kin melele ko rejimwe kim ej kakoba ijin ilo WashingtonLawHelp.org.
-

Ta eo inaj ktak jen aō riiti mennin?

Kwōnaj katak:

- Ta kakien in kejbarok eo
- Kain kakien in kejbarok ko rej jibañ ak bōbrae jorrān ko rej walok iloan baamle ak kain mūtōn ko jet kwōmijak ak rej likūt kwe ilo uwōta
- Ejellok wonnen kakien in kejbarok im kwōjab aikuji juon loar

- Wāween an kakien in kejbarok eo kejbarok kwe im joñan toon an jejjet kutien

Paat 1: Melele ko Jinoin

Ta in juon kakien in kejbarok?

Ej juon kakien jen jikin ekajet kin maron ko an armij ilo juon jikin (juon kakien kwar kajitōk), juon jāj ear lelok, im ear kōmman ñan kejbarok kwe jen bar juon armij.

Kwōmaron kajitōk juon kakien in kejbarok elañe kwōj ioon jorrān ko iloaan baamle, ak ewōr ej kabnōnō, kakkure ko rej mantin lōñ, ak abād.

Lale kōmelele ko an kajojo mantin kein ijin lal. Kwōmaron bar kajitōke juon kakien in kejbarokn elañe kwe juon **rūtto eo emojno** ej ioon kakkure ak kajool, ak ikijen bar juon rūtto eo ej ioon men kein.

Ta in “jorrān ko rej walok iloaan baamle”?

Kakien eo an State eo an Washington [RCW 7.105.010\(8\)](#) ej ba jorrān ko rej walok iloaan baamle ej walok jen armij ro nukku, ak armij ro kwōj jokwe ibbeir ilo ien in, ak kwar ro kwar jokwe ibbeir moktalok, ak jen armij ro kar jerām ak belem im rar kōmmane jabdewōt manit kein,:

- Lewaj uwōta ñan am jorrān, ekoba kakkure ko rej mantin lōñ
- Ej kōmman am mijak uwōta ak jorrān eo enaj walok ilo ien eo wōt
- Abāde kwe, ekoba ilo online (kakkure etam ilo jikin ko online)
- Bōk kwōnaan ilo manit ko rej lelok jorrān nan enbwin, lomnak, ak kōmelij, im ejellok wūnin an kakkure kōnaan im ainemmon eo am make (mantin ko ewōr kōlelñon)

❖ Ejellok an juon armij maron in kamijak ak kakkure kwe. Ejellok tokjen ta kadkad eo am ñan armij eo ear kakkure kwe .

❖ Ñan riiti kakien eo an State eo an Washington ilo laibrarae eo an kien ak laibrarae eo kin melele in kakien im ejab online, kajitōk ibben rijerbal eo ilo laibrarae ñan an kajinet kwe ñan mōttan RcW ko (Kakien ko an Washington Emōj Kakobaba Kobbān).



Ta jet waanjoñok ko kin “mantin ko ewōr kōlelñon”?

Eñin ej jet waanjoñok ko:

- Nana aer kattōr wa ilo am im/ak ajiri ro bed iloan wa eo ñan kamijak ak kamakoko am kōmmane men eo armij eo ekōnaan bwe kwōn kōmmane im ejab ta eo kwōkōnaan kōmmane
- Kamijak in bōk mour eo aer elañe kwōj bed wōt ibbeir
- Ba ñan armij ro mōttam im nukum ke renaj kakkure jermal eo am ak ripote kwe ñan immigration kin am iten kōbōjrak am jera ak bebe ibbeir
- Kamijak in kakkure etam ak am kōmmane an lelok juon men

Kwōmaron riiti kakien eo ñan lale waanjoñok ko relalok ilo [RCW 7.105.010\(37\)](#).

Ta in “kabnōnō”?

Kakien eo an State eo an Washington ej kōmelele ke mennin ej mūtōn armij im elab an lewaj inebata, kitoto, ak abnōnō [RCW 7.105.010\(35\)](#).

Mūtōn eo ejellok wūnin an lewaj.

Ta in “lojoore ak apāde” (“stalking”)?

Iumwin kakien an state, lojoore ak apāde juon armej ej juon wāween rube kien ñe men kein ilaļ rej moolin waļok:

- Juon armej ekōnaan kōmmane im ej peddo kaabñōñōik ak joore eok. Men in emarōñ kitbuuj aer kōjerbale juon GPS ak kein jermal ko jet ñan kappukōt ia ko kwoj pād ie.
- Kwōkor kōnke kwōjeļā ke ewōr juon armej rekōnaan kōkkure (ejjab aikuj bwe en kwe eo), ak men ko mweien juon armej (ejjab aikuj bwe en mweiom).
- Armej in ej lojoor ak apād ejeļā ak eaikuj in jeļā ke ej kaamijak, kakor, ak kaabñōñōik eok.

Eļañņe men kein rej kalikkar kōn jekjek eo kopād ie, komaroñ call bwilijmāān.

*Kōmman kaabbōñōñō online (cyber harassment) ej bar juon wāween ļoļoore ak apāde juon armej im erube kien. Komaroñ riiti kakien eo kōn men in ilo [RCW 9A.90.120](#).

Ta melelein juon “rūtto eo emojno ej ion jorrāān ak ”?

Riiti [Kejbarok lillab im lōllab im rūtto ro remojno jen jorrāān im jool](#) ñan bōk melele ko relablok. Peba in kin melele ko rejimwe ej kenono kin ta ko remaron kōmmane ñan rūtto ro remojno ijellokun kakien in kejbarok ko.

Ta kōmelele eo iomwin kakien kin kakkure kin mantin lōñ?

Ekoba reep, bōtab ñan bōke kakien in kejbarok, kakien eo an state ej kōmelele ke elablok an jabdewōt mantin lōñ ak kiki ibben juon ilo an juon kar jab errā (ejab kōnaan eo an juon). Riiti kakien eo ilo [RCW 7.105.100\(b\)](#) ñan bōk melele ko relablok.

Kakien in kejbarok ej ke ejjā einwōt juon kakin in kabōjrak?

Jab. Kwōmaron wōt kajitōke juon kakien in kabōjrak einwōt mōttan juon madmōdin kakien an baamle (einwōt keij in jebel ak nejnej) kwoj bael ak uwaake. Kwōjab aikuj kobalok ilo juon keij in kakien an baamle ñan kajitōke juon kakien in kejbarok. Riiti [Emōj aō ioone jorrāān ko rej walok iloan baamle. Ij ke aikuj bael ae juon kakien in kejbarok \(PO\)?](#) ñan bōk melele ko relablok.



Paat 2: Ebōk kakien in kejbarok

Ij ke aikuji juon lar ñan bōke juon kakien in kejbarok?

Jab.

Jete wonnen bael ae juon kakien in kejbarok?

Ejellok wonnen.

Ia eo imaron bōke peba ko ñan bael kakien in kejbarok?

Ewōr peba ko ilo Jikin Ekajet ko an Bukon im Eutiejtata ibelakin state eo. Lale mokta ibben jikin ekajet eo ilo jukjukinbed eo am

Kwōmaron bar kōjermal peba eo amim kwōmaron print peba ko [Wāween Bael Kakien ñan Kejbarok](#), ak burokraam in ien kajitōkin eo amim kwōj make kōmmāne, [Peba ko an Washington Online](#), ñan kanne peba ko ilo WashingtonLawHelp.org.

-
- ❖ **Kwōj ke Uwaan juon Bwij ak jokwe ilo juon Jukjukinbed an Bwij ak ilo bwidej eo an armij in Indian?** Kwōmaron kelet in bael kakien in kejabrok ilo juon Jikin ekajet an State ak juon Jikin Ekajet an Bwij. Emaron oktak kakien im/ak wāween kōmadmōd ko an kajojo bwij. Kebaak [Jikin Ekajet eo an Bwij](#) ñan bōk melele ko relablok. (Kōjermal jikin bōk melele eo an Jikin Ekajet eo an Bwij ilo bit.ly/3xG65rt.) Peba ko an Jikin Ekajet ko an State emaron jab jermal ilo Jikin Ekajet eo an Bwij.
-

Paat 3: Alikin am bōke kakien in kejbarok eo am

Ewi wāween aō kōjermal juon kakien in kejbarok?

Kwōj aikuj likūt juon kabe in peba eo emōj kamool ibbam aoleb ien. Juon kabe in peba emōj kamool ej juon kabe eo clerk eo ej kōmmāne ewōr juon jitaam kakōlle epok.

Kwō aikuj **kall ae bulijmaan** ñan kōjella kin ruprup kakien.



Juon kakien in kejbarok enaj jibañ na inabojin bukun eo iar bōke?

Aet. Rej kadeloñ Kakien in Kejbarok eo am ilo kein jermal in konbutor ko ibelakin state eo. Enaj kabin ibelakin state eo im ilo state ko jet.

Ñaat eo enaj jemlok (maat) kūtien kakien in kejbarok eo?

Enaj toon wōt ñan juon jejetin ien ak ñan indeo [RCW 7.105.310](#). Ñe ej kejbarok ajiri, mōttan eo ej ikijen kejbarok ajiri enaj jermal wōt, ilo joñan ien eo aitoktata, ej juon yiō.

Kwōmaron kajitōk an jikin ekajet eo kōkkāāle kakien eo mokta jen an maat kūtien. jikin ekajet eo **aikuj** kōkkāāl kakien eo am ijellokun armij eo Kakien eo ej kejbaroke kwe jen emaron kamool ejako aer lewaj uwōta ñan kwe im/ak ajiri ro nejum .

Ak ñe armij eo iar kōmmene kakien eo ñan enaj kakkure (rupe) kakien eo?

Mennin ej juon bōd in kakien. Bulijmaan ro rej aikuj kanin kakien eo am im kalbuji armij eo emōj an lewaj jorrān ñan kwe [RCW 7.105.450](#).

Ia eo imaron bōk melele ko relablok?

- [Kejbarokko ñanNative American rar ioon jorrān ko rej walok iloan baamle](#)
- [Kejbarok lillab im löllab im rütto ro remojno en jorrān im jool](#)
- [Wāween am nooje atorej eo am jen armij eo ej abād ak kakkure kwe](#)
- [Kejbarok lillab im löllab im rütto ro remojno jen aer ioon jorrān ak jool](#)



Ebōk Jibañ kin Kakien

- **Kateruru online** ibben [CLEAR*Online -nwjustice.org/apply-online](https://nwjustice.org/apply-online) ñe ewōr juon am abnōnō ikijen aer iten kadiwōj kwe jen mweo kwōj reene, muri, jibañ ko an kien, ak katak ko emōj kōjenolok ñan ro rej aikuj jibañ
- **Kwōj ke ioone juon abnōnō in kakien inabojin Bukon eo an King** (oktak jen Kadiwōj Kwe jen Mweo Imōm ak an Paan iten Bōk Mweo Imōm)? Kall ae lok 2-1-1 (ak nomba eo ejellok wonnen 1-877-211-9274) raan in jermal ko 8:00 awa jibbon - 6:00 awa jota. Renaj lemaanlok kwe ñan juon jikin eo ej lewaj jibañ ikijjen kakien.
- **Kwōj ke ioone juon abnōnō in kakien inabojin Bukon eo an King**(oktak jen Kadiwōj Kwe jen Mweo Imōm ak an Paan iten Bōk Mweo Imōm)? Kall ae Lain in Jibañ eo an CLEAR ilo 1-888-201-1014 raan in jermal ko ikōtaan 9:15 awa jibbon- 12:15 awa raelap ñe ejab kateruru online ilo nwjustice.org/apply-online.
- **Kwōj ke ioon aer iten Kadiwōj kwe jen Mweo Kwōj Reene?** Kall ae lok 1-855-657-8387.
- **Kwōj ke ioon an Paan iten Bōk Mweo Imōm?** Kall ae lok 1-800-606-4819.
- **Lillab im lōllab ro (joñan yiō 60 im rūttoolok)** kin juon abnōnō in kakien inabojin Bukon eo an King emaron bar kall ae lok CLEAR*Sr ilo 1-888-387-7111.

Ro rej kall rejaronron, ebin aer roñjak ak ewōr aer utamwe in kenono remaron kall ae jabdewōt nomba kein ilo aer kōjermal jibañ eo rekōnaan ñan leto letak melele.

Rej lewaj riukok.

Melele in kaajeeded in ej lewaj melele ko ikijen maron im eddo ko am. Ekkar jab kōmman ñan binej jenkwān jejetin rōjañ ko kin kakien.

© 2023 Northwest Justice Project — 1-888-201-1014.

(Emōj lelok kōmelim ñan kabe im ajej melele kein ñan Alliance for Equal Justice im ñan kajojo armij ro ñan makūtkūt ko wōt rejab wia kake.)